



UNIVERSITÄTS-  
BIBLIOTHEK  
PADERBORN

**R.P. Leonardi Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censuris.  
Prælectiones Theologicae Posthvmæ**

**Lessius, Leonardus**

**Lovanii, 1645**

Dvb. Vtrùm omnes homines possint agere pœnitentiam de suis peccatis.

---

[urn:nbn:de:hbz:466:1-72898](https://nbn-resolving.org/urn:nbn:de:hbz:466:1-72898)



curari: sicut æger, qui repudiat pharmacum, quo solo curari potest, incurabilis dicitur.

5. Obijcitur Tertio: 1. Ioannis 5. v. 16. Est peccatum ad mortem, non pro illo dico, ut roget quis.

Respondeo: Sensus est; si proximus tuus grauiissimum aliquod peccatum commisit, ita ut omnino videatur incurabilis, nolo tibi certò promittere, quòd Deus te pro illo orantem exaudiet. Dixerat enim Ioannes antea, Deum nos exauditurum, quidquid peteremus; proindeque monet, Si cognouerimus fratrem nostrum peccare peccatum non ad mortem, id est, cui non omnino obstinatè inhaereat, ut oremus pro illo, nempe cum certà fiducia, & dabitur ei vita: non tamen, inquit, hoc etiam dico de peccatis grauiissimis, quibus aliquis obstinatè inhaeret. Quare tantum vult dicere, nos non posse certò confidere, quòd pro peccatis grauiissimis proximorum exaudiemur, sicut pro minoribus.

Obijcitur Quarto; De Esau, & Antiocho. Vide D. Thomam ad 1.

D V B I V M.

Vtrum omnes homines possint agere pœnitentiam de suis peccatis?

6. Respondeo & Dico Primò: Damnați nò possunt vilo modo pœnitere de peccatis suis, sicut oportet ad veniam impetrandà, seu quatenus sunt offensio, & iniuria Dei. Ratio est: tum quia hæc pœnitentia sine auxilio gratiæ haberi non potest, quâ damnați omnino carent: tum quia damnați sunt omnino obstinati in malo, & in odio Dei, idque ob grauiissima supplicia, quæ Deus ipsis infert sine vllâ spe relaxationis. Dolent tamè se peccasse, & odio habent peccatum, quatenus est fons, & causa illorum suppliciorum: & sic dicuntur pœnitentiam agere in inferno. Simili modo pœnituit Antiochus 2. Machab. cap. 7. Doluit enim de peccatis, quatenus erant causa supplicij diuini, quod illum iam apprehenderat.

7. Dico Secundò: Omnis viator habens vsum liberi arbitrij potest pœnitere de peccatis suis. Ratio est: quia nemini habenti vsum rationis, & consequenter liberi arbitrij, pro tempore, & loco deest auxilium speciale, quo ad veram pœnitentiam possit pertinere, vt alibi ostensum est. Imò hoc loco D. Thom. dicit esse erroneū, asserere esse aliquod peccatū in hac vitâ, de quo quis pœnitere nò potest. Nec satisfacit, quod quidam aiunt D. Thomâ solūm velle dicere, hominem posse pœnitere, si Deus det illi auxilium efficax ad pœnitendum, non autem velle tale auxilium omnibus dare. Nam hoc non tantū est erroneū, sed etiâ manifestè hereticum. Neque vllus vnquam hereticus hoc negauit; quorsum ergo opus erat hoc dicere? Vide Ioan-nem Medinam codice de Pœnitentia quæst. 11. vbi contrariam sententiâ dicit esse impiam. Omitto alios Doctores.

ARTICVLVS II.

Vtrum sine Pœnitentiâ, peccatum mortiferum possit remitti?

8. Hæretici nullam veram pœnitentiam necessariam esse volunt, sed solam fidem suffice-

re: nempe eâ, quâ quis certò credat Christum pro peccatis ipsius plenissimè satisfecisse, & ob hanc satisfactionem omnia peccata plenissimè apud Deum esse condonata; nec aliud requiri, quàm, vt ipse hoc fortiter credat.

Affirmant hæc recte.

Concedunt tamen huic fidei initio coniunctâ esse contritionem, quam dicunt esse terrorem, & concussionem conscientia ex minis ira diuina conceptam; deinde resipiscentiâ, quâ quis proponit meliorem vitam: solam tamen fidem faciūt causam remissionis peccatorū. Ita docet Calvinus libro 3. Instit. cap. 3. §. 1. & sequentibus. Et Lutherus art. 11. & 12. & in assertionem eorundem apud Rosenstem. Verūm:

Dicendum est: Ad remissionem peccati mortiferi secundū legem ordinatam non sufficere solam fidem sine verâ pœnitentiâ formali, vel virtuali. Dico, secundū legem ordinatam diuinitus: quia de potentiâ absolutâ est alia quæstio. Est fide tenendum. Patet ex Concilio Tridentino sess. 14. can. 4. & cap. 4. & sess. 6. c. 14.

9. Negant Catholici.

Probatur Primò, Ex Scripturis: nam in veteri testamento ferè nihil aliud prædicabant Prophete populo, quàm vt pœnitentiam agerent, si salui esse vellent: 1. Saia 1. Ieremie 16. Ezechiel 18. & 33. Ioel. 2. & alibi. In nouo testamento idem sepius præcipitur: Matth. 3. v. 2. Pœnitentiam agite; appropinquauit enim, &c. Luca 13. v. 5. Nisi pœnitentiam habueritis, omnes similiter peribitis. Actorū 3. v. 19. Pœnitentini, & conuertimini, vt deleantur peccata vestra. Apocal. 2. v. 5. Age pœnitentiam, & prima opera fac. Idem docent Patres, quos citat Gratianus dist. 1.

Scriptura.

Probatur Secundò: Ratione. Primò, Quia par non est, vt Deus alicui ignoscat, eumque in amicitiam recipiat, nisi doleat se offendisse: alioqui videretur in hominum peccata consentire. Confirmatur: quia etiam inter homines is, qui principem aliquem iniuriâ affecit, non consequitur veniam, nisi ostendat se dolere. Secundò, Peccator propriâ voluntate se à Deo auertit, Deumque contempnit: ergo, vt reconcilietur, veniamque impetret, necesse est vt vicissim propriâ voluntatis motu se ad Deum conuertat, & de illatâ iniuriâ doleat. Confirmatur: nam qui iniuriam intulit, & nullum signum doloris ostendit, censetur adhuc in eadem voluntate perseverare. Tertio: Is, qui cupit ferri iniuriam condonari, & obtinere reconciliationem, conatur quantum in se est, eam compensare: atqui hoc fit dolore, seu pœnitentiâ.

Ratio.

Hinc fit, vt etiam in Baptismo adultis aliquo peccato mortifero infectis necessaria sit pœnitentia, id est, displicentia, & dolor de peccato commisso: quidquid dicat hoc loco Caietanus. Nam vt rectè Concilium Tridentinū sess. 14. cap. 1. & 4. docet, Pœnitentia in omni statu sinit lapsi necessaria, etiam vs qui baptizatur. Vnde Actorum 2. v. 38. Petrus ait; Pœnitentiam agite, & baptizetur vnusquisque vestrum in remissionem peccatorum: vbi pœnitentiam distinguit à baptismo, & insinuat esse necessariam ad remissionem. Idem docet Fulgentius lib. De fide ad Petrum cap. 30. tanquam pertinens ad fidem Catholicam.

10. Ante Baptistimum.

DVBIVM